


DEN AMBIENTE...

Fotos y Texto: Jan Poets

ACOHIDA FABULOSO DI E BUKI "CORAZON MAESTRO" NA ATENEO DE CARACAS DI JOSSY MANSUR..

**** DEN AMIENTE** tabata parti di un evento unico na Caracas, ora cu e maestro autor Arubiano, Jossy M. Mansur, a presenta su novela na esnan cu a haci acto di presencia na Ateneo de Caracas. Entre tanto personalidad politico, literario, artistico y cinematografico cu tabata presente por menconar e Arzobispo di Coro, Dr. Jose Curiel, varios Diputado, e dos Ministranan di Aruba, representantenan di Ministerio di Enseñanza, directornan di cine y e prome actor Toto Gomez. Di parti di familia di casa di e autor a bin representantenan for di Valencia y Puerto Cabello, y tambe di Caracas mes.

E escritor y periodista, Dr. Colmenares a haci un presentacion fabuloso di e obra, elogiando su contenido di un manera impresionante. El a splica e trasfondo di e buki, con e ta capta e interes di e autor for di e prome paragraf y ta mantene te e ultimo palabra di e buki. Ta trata di un novela cu ta tuma lugar na Venezuela, na un region conoci como Las Trincheras, unda tin awanan termal curativo. E personahenan principal ta un pintor cu ta nenga di bira bieu, un amante cu pa



razonnan incomprendible ta kita su bida, un periodista insistente, un pastor cu ta haci un pasantia di 5 aña den e regionnan selvatico di Amazonas di Venezuela, y otro personahenan cu ta duna e buki un toke di realidad dentro di e panorama fisico di Venezuela.


DEN AMBIENTE por a scucha masha hopi elogio ora cu e tabata anda entre e invitadonan, y tur tabata tin hopi interes di combersa personalmente cu e autor. Jossy Mansur, Director di DIARIO, semper a porta su mes cu gentileza y tabata atende tur e damanan cu tabata acerke cu hopi cariño. Henter anochi, por bisa, tabata no solamente un triunfo grandi personal pa Jossy M. Mansur, sino pa Aruba tambe, ya cu e propaganda haci pa nos isla tabata grandi. Por a mira hopi personalidad di e ciudad acerca e autor cu hopi interes y tabata hacie masha hopi pregunta relaciona cu su obra.

Otro impresion grandi cu e autor a laga atras tabata e 36 bukinan cu el a skirbi na Papiamentu y cu tabata riba un mesa como exhibicion di e capacidad y talento di e Arubiano Jossy M. Mansur. DEN AMBIENTE a nota

con e presentenan tabata blader door di e bukinan na Papiamentu cu un interes unico. Hopi a puntra si e Historia di Aruba skirbi pa Jossy Mansur tabata disponibel na Spaño, pero mester a contesta nan cu ainda no. Nos idioma e anochi ey tambe a haya hopi atencion y e damanan principalmente tabata mira cu hopi admiracion e diccionarionan di Papiamentu cu nunca antes a ser mira na Caracas o cualke otro parti di Venezuela. Hopi a expresa nan interes pa cumpra e diccionarionan, especialmente esun di cinco idioma, cu na e momento ey no tabata na benta. Pronto algun cien ehemplar lo ser manda Caracas pa cumpli cu e demanda.



**** ** Esaki ta e momento cumbre, ora cu e Arzobispo di Coro, Lucker, ta bendiciona e buki den presencia di Jossy M. Mansur y su casa, Nuhad Mansur. Un oracion bunita, encomendando e buki bao vigilancia di Señor, y un voto pa su exito den librerianan. Arzobispo Lucker, kende tin su sede na e ciudad di Coro, Estado Falcon, a viaha especialmente te Caracas pa haci acto di presencia na e bautizo den e buki di e autor Arubiano, Jossy M. Mansur. E parti bunita aki, cu a ser filma tambe, pronto lo aparece den e prome programa di POETS T.V., hunto cu un bon filmacion di mayoria di e acontecimentonan di e anochi aki na Ateneo de Caracas.**



****Aki e autor ta den presencia di algun di e periodistanan Venezolano cu a cubri e evento. E periodista-fotografo cu e camara den su man ta traha pa El Universal.**



**** E escritor y periodista, Sr. Colmenares, a haci un excelente presentacion di e buki na e invitadonan presente, elogiando e contenido cu palabranan hopi bunita. El a ser aplaudi na final di su exposicion cu tabata hopi acerta y hopi agradabel. E anochi tabata hopi memorabel pa nos tur.**

